

Te tūhono i te uru ki ētahi atu

Atu i a Hanarei te 12 o Noema, ka panonitia ngā pahi i te Uru me te Raki-mā-Uru o Tāmaki.

Ka wātea ētahi ara hou, ka whai nama hou ētahi ara, ka puta hoki ētahi wātaka hou, ka mutu, ka maha ake ngā pahi me ngā wā e tere ai aua pahi. Ko ētahi ara o nāianeī ka whakakorehia kia takoto ai ko ētahi ara kē.

Ngā miramiratanga i te kōtuinga hou mō ngā pahi

- Ka tere tētahi pahi hou o te Terenga ki te Uru – WX1 – e hono ai te uru o Tāmaki ki te Pokapū o te Tāone mā te Huarahi Matua o te Raki-mā-Uru i ia 10 meneti atu i te ata ki te 7pm, ā, i ia 15 meneti tae atu ki te waenganui pō, i ngā rā e 7 o te wiki.
- Ka tūhono ngā pahi o ngā rohe pātata ki ngā terenga pahi o te huarahi matua kei ngā whakawhitinga i Te Atatū me Lincoln, e maha ake ai ngā wā e tae ai koe ki ngā taunga maha ake.
- Ka maha ake ngā pahi me ngā wā e tere ai aua pahi rā i ngā takiwā maha, ā, ka tere hoki i ngā hāora kaumātua ake o te pō.

Kia takatū koe

Mahi 1: Pānuitia tēnei mātārere! Kei konei hoki tētahi mahere o te kōtuinga pahi hou – whakamahia e kite ai koe i tō terenga pahi hou.

Mahi 2: Atu i a Hanarei te 5 o Noema, ka whaihua tō whakamahi i tā AT Whakarite Haerenga AT.govt.nz/JourneyPlanner i te taupānga o AT Mobile kia whakaritea tō haerenga.

Mahi 3: Āta tirohia ngā tūnga pahi e tū ai koe kia kitea rā ngā tohu me ngā pānui.

Atawhaitia te kaihautū i tō pahi – e waia haere ana hoki rātou ki ngā ara hou me ngā wātaka hou.

E akiaki ana mātou i a koe kia wehe tōmua i ngā rā tuatahi o te panonitanga kia tae ai koe ki ngā wāhi e tika ana, i ngā wā e tika ana. Ā te wā ka rere ngā panonitanga, ka kite koe i ngā Māngai mō AT i ngā whakawhitinga hei āwhina i a koe kia tae ki ngā wāhi e tika ana mōu.

Kei konei mātou hei āwhina

Haere mai ki te kōrero e pā ana ki ēnei panonitanga i tētahi o ēnei hui tuku pārongo e tuwhera kau ana.

Wāhi	Rā	Time
Te Pātaka Kōrero o Waitakere, Te Kōpua	Hatarei, 28 o Oketopa	10am – 1pm
Ngā tūnga pahi kei te 54 o te tiriti o Hobson, Te Pokapū o te Tāone	Wenerei, 1 o Noema	4pm – 7pm
Ngā tūnga pahi o te tiriti o Arapeta ki Raro iho, Te Pokapū o te Tāone	Tāite, 2 o Noema	4pm – 7pm
Te Pokapū Hapori o Ōrūkuwai Mātātā	Hatarei, 4 o Noema	11.30am – 2.30pm
Te Manawa (Te whare pukapuka o Westgate)	Hanarei, 5 o Noema	11.30am – 2.30pm

He terenga pahi hou, ā, ka maha ake ngā pahi me ngā wā e tere ai ngā pahi i ngā takiwā maha

Ngā terenga hou i te huarahi matua:

Mā te WX1, ka tūhono a Northwest Centre ki Te Whakawhitinga Pahi o Te Atatū, ki Te Whakawhitinga Pahi o Lincoln, ki te rori o Karangahape me Waitematā.

Mā te 11T, (mā te rori o Triangle) me te 11W (mā te rori o Waimumu) ka tūhono a Northwest Centre ki Westgate, ki Te Whakawhitinga Pahi o Lincoln, ki Te Whakawhitinga Pahi o Te Atatū, ki Rangi-mata-rau, ki Waiōrea, ki Opoutukēha, ki te rori o Karangahape me Waitematā.

Ka mutu te terenga o te 110, o te 125X, o te 129, o te 132X, o te 133, o te 133X me te 134.

Ngā terenga auau e hou ana:

Mā te 13, ka tūhono a Ōrūkuwai ki Te Whakawhitinga Pahi o Te Atatū, ki te Tonga o Te Atatū me Te Kōpua. Me eke i tēnei pahi e auau nei te tere kia tūhono ai ki ngā tereina kei Te Kōpua, ki ngā pahi hoki ka tere i Te Whakawhitinga Pahi o Te Atatū ki Te Pokapū o te Tāone, ki te rori o Rosebank, ki te rori o Lincoln me Westgate. Tere ai ngā pahi i ia 8 meneti i ngā wā toritori, i ia 10 meneti i te awatea, i ia 15 meneti hoki i te pō.

Mā te 14, ka tūhono a Te Whakawhitinga Pahi o Lincoln ki te rori o Lincoln, ki Te Kōpua me Te Rewarewa i ia 15 meneti, atu i te 7am ki te 7pm, i ia 30 meneti hoki i ērā atu hāora o te rā, i ngā rā e 7 o te wiki.

He aha mātou e whai nei i ēnei panonitanga:

- Kāore ērā kei te Uru me te Raki-mā-Uru i te tino whai painga i te tūnuku tūmatanui o tēnei wā. Mā ēnei panonitanga, kua huaruatia te tokomaha ka noho ki tētahi wāhi e taea rā e rātou te hīkoi atu i reira ki tētahi o ngā ara e auau ai te terenga o te pahi.
- Mā te whakapai ake i te tūnuku tūmatanui, ka māmā ake te whakamahia e te tokomaha ake, me te aha, ka wātea ngā rori ki te hunga me mātua takahi i aua rori rā.
- Mā te tūnuku tūmatanui, e whaitake ana, ka heke te apiapitanga, me te putanga o ngā haukino, ka iti ake te whenua me whai hei tūnga waka, ka tūhono ngā hapori, ka pai ake te taha hauora, ā, ka wātea te panuku tūhake ki te hunga kāore e kaha ana ki te hautū waka, kāore rānei e pīrangī ana ki te pērā.

Mā tēhea pahi koe ki te Pokapū o te Tāone?

WX1

Te waka e tere katoa ai tō haerenga i waenga i te Uru me te Pokapū o te Tāone. Ka tere ngā pahi i ia 10 meneti, atu i te 7am ki te 7pm, i ia 15 meneti hoki i te 7pm ki te 11.30pm, i ngā rā e 7 o te wiki. Ka tere te WX1 mā te huarahi matua i waenga i Northwest Centre, ki Te Whakawhitinga Pahi o Lincoln, ki Te Whakawhitinga Pahi o Te Atatū me ngā tūnga pahi i te rori o Karangahape, i te tiriti o Kuīni/Arapeta me te tiriti o Arapeta ki Raro iho.

11T me 11W

Ka tere te 11T me te 11W i ia 20 meneti i ngā wā toritori, i ia 30 meneti hoki i ērā atu hāora. Mā ēnei terenga e rua e tere ai tētahi pahi i ia 10 meneti i ngā wā toritori, i ia 15 meneti hoki i ērā atu hāora, i waenga i te rori o Lincoln me te Pokapū o te Tāone i ngā rā e 7 o te wiki.

Ka tere ētahi pahi mā te huarahi matua i waenga i te rori o Lincoln me Rangī-mata-rau, mā te rori o Great North hoki i waenga i Rangī-mata-rau me te Pokapū o te Tāone. Ka tere te 11T i waenga i Westgate me te rori o Lincoln, i Pukewhakaratarā mā te rori o Triangle, ā, ka tere te 11W mā te rori o Waimumu.

132

Ka tere te 132 i ia 30 meneti i ngā wā toritori, i ngā rā i tua atu o Hatarei me Hanarei. Ka tere ngā pahi atu i te 6.30am ki te 8.10am i Ōrukuwai ki te Pokapū o te Tāone. Ka tere ngā pahi atu i te 4.15pm ki te 5.45pm i te Pokapū o te Tāone ki Ōrukuwai.

Ngā pahi mō te kura

Ka puritia ngā pahi katoa o nāianeī mō te kura, ā, e rua ngā whakapainga ake:

- He pahi S050 kotahi atu anō ka tere i te ata (West Harbour ki ngā kura o Te Kōpua).
- Ko tētahi o ngā pahi S013 e rua o te ahiahi i Te Kāreti o Rutherford, ka hurihia hei S014 hou kia whai ratonga ai tētahi wāhanga hou o te rohe ā-kura.

He wātaka hou

Ka wātea ngā wātaka hou mō ngā pahi i [AT.govt.nz/Timetables](https://www.at.govt.nz/timetables)

Ka kitea hoki i ngā Pokapū Ratonga o AT mō ngā Kirihoko, tae atu ki te Teihana o Waitemātā me Te Whakawhitinga o Te Rewarewa.

Ka āhei tō tonono i ngā wātaka mā te waea ki te 09 366 6400 mā te īmēra rānei ki timetables@AT.govt.nz

Kāore he utu āpiti mō te whakawhiti

Ka neke atu pea i te pahi kotahi hei waka mōu e tutuki ai ētahi o ō haerenga. Mā te maha o ngā rohe e haere nā koe hei tohu te nui o te utu hei utu māu; kua mā te maha o ngā pahi ka ekea e koe.

Heoi anō tāu he whakaoho i tō kāri AT HOP i mua i te paunga o te 30 meneti mai i tō whakamoe i taua kāri i tō hekenga i tēra atu pahi i ekea ai e koe i mua tonu rā, ka mutu, me tutuki tō haerenga i mua i te paunga o ngā hāora e whā.

E kitea ai he pārongo atu anō, toro atu ki [AT.govt.nz/Fares](https://www.at.govt.nz/fares)

E aha ana te aha i tō rohe?

Te Awaroa, Waimauku, Huapai, Kumeū

- Mō ngā terenga katoa ki te Pokapū o te Tāone, me whakawhiti i Northwest Centre. Kua kore te **125X** e tere.
- Ka maha ake ngā pahi **122** me ngā pahi **125**.
- He **123** hou hei pahi mō te tapatoru o Huapai e maha ake ai ngā pahi i waenga i Huapai me Westgate.

Whenuapai, West Harbour, Hobsonville, Greenhithe

- Ko te **112** me te **114** ka tere ki Northwest Centre, kua ki te aratika o Fernhill i Westgate.
- Ka maha ake ngā terenga o te **120** i waenga i Westgate me te Teihana o Constellation i ngā wā toritori, ā, ka maha ake ngā terenga o te pō i Teihana o Constellation ki Westgate.
- Kāore e hāngai te tūhonotanga o te **120** ki te **WX1** i Westgate.
- Mā te **WX1**, mā te **11T** me te **11W** e maha ake ai ngā pahi i waenga i te Pokapū o te Tāone me Westgate e nui ake ai te kōwhiri i ngā wā hāereere.

West Hills

- Ka huri āmio te ahutahi o tētahi **116** hou kia tūhono ki Northwest Centre me te **WX1**.

Westgate

- He tūnga pahi hou ki Northwest Centre.
- Ka tere te **WX1** i te huarahi matua i waenga i Northwest Centre me te Pokapū o te Tāone, ka tūhono ai ki ngā whakawhitinga pahi i Lincoln me Te Atatū. Kāore e tū ki ngā tūnga pahi i te aratika o Fernhill.
- Mō te rori o Great North i waenga i Rangi-mata-rau me te rori o Karahangape, whāia ngā ara o te **11T** (mā te rori o Triangle) me te **11W** (mā te rori o Waimumu).
- Ka maha ake ngā haerenga o te **120** i waenga i Westgate me te Teihana o Constellation i ngā wā toritori, ā, ka maha ake ngā terenga i te pō i te Teihana o Constellation ki Westgate. Ka tū te **120** ki ngā tūnga ki te aratika o Fernhill, kaua ki Northwest Centre, nō reira, kāore e tūhono ki **WX1**.

Western Heights

- Ka tūhono te **145** ki Ōpanuku me Te Whakawhitinga Pahi o Lincoln.

Swanson, Rānui, Universal Drive

- Ka tūhono te **145** ki Te Whakawhitinga Pahi o Lincoln me Te Kōpua.
- Ka tere te **147** i waenga i te tāone o Waitakere me Te Kōpua mā Waiwhauwhaupaku, mā Rānui me te rori o Lincoln. Ka tūhono ki te Teihana o Rānui me te Hōhipera o Waitakere.
- Ka tere te **149** ki waenga i Rānui me Te Rewarewa mā te rori o Rosebank me ngā whakawhitinga pahi i Lincoln me Te Atatū. Ka tere ngā pahi i ia rā i tua atu i a Hatarei me Hanarei, tae noa ki tōna 7pm.
- Ka tere te **148** i ngā pō me ngā mutunga wiki i waenga i Rānui me Te Whakawhitinga Pahi o Lincoln.
- Kāore he pahi tūmatanui i te rori o Rathgar, i waho i ngā kura, engari e tata ana ētahi pahi, kei te rori o Swanson.

Rānui me Te Whakawhitinga Pahi o Lincoln

- Kāore he pahi tūmatanui i te rori o Rathgar, i waho i ngā kura, engari e tata ana ētahi pahi, kei te rori o Swanson, kei te rori o Larnoch, kei te rori hoki o Pomaria.

Te Kōpua

- Mō ngā terenga katoa ki te Pokapū o te Tāone, me whakawhiti i Te Whakawhitinga Pahi o Te Atatū.
- Ka tere te **13** i waenga i Te Kōpua me Ōrukuwai i ia 8 ki te 15 meneti tae atu ki te waenganui pō kia tūhono ki Te Whakawhitinga Pahi o Te Atatū.
- Ka tere te **135** i waenga i Te Kōpua me te raki o Ōrukuwai mā te rori o Edmonton, mā te rori o Flanshaw, mā te rori o Royal View me Te Whakawhitinga Pahi o Te Atatū.

Te Whakawhitinga Pahi o Te Atatū

- Ka tere te **135** i waenga i Te Kōpua me te taha whakateraki o Ōrukuwai mā te rori o Edmonton, mā te rori o Flanshaw, mā te rori o Royal View me Te Whakawhitinga Pahi o Te Atatū.

Pukewhakataratara

- Ka tere te **11T** me te **11W** ki te Pokapū o te Tāone.
- Ka tere te **120** i te aratika o Fernhill, ā, ka tū ki Westgate kia tūhono ki te **11T** me te **11W** engari kāore e hāngai te tūhono ki te WX1.
- Kua kore te **110** me te **129** e tere.

Te Rori o Rosebank

- Ka tūhono te **149** ki ngā whakawhitinga pahi i Lincoln me Te Atatū, ki Rānui hoki i ngā rā i tua atu i a Hatarei me Hanarei, tae noa ki tōna 7pm.

Te Tāone o Waitakere

- Ko te **147** hei whakakapi i te **146** kia tere i waenga i te tāone o Waitakere me te Kōpua mā Waiwhauwhaupaku, mā Rānui me te Hōhipera o Waitakere. He ara hou ka terea e ngā pahi i te tāone o Waitakere.

Te Hōhipera o Waitakere

- Ka tere te **14** i waenga i Te Whakawhitinga Pahi o Lincoln, ki te Hōhipera o Waitakere, ki Te Kōpua me Te Rewarewa.
- Ka tere te **147** i waenga i te tāone o Waitakere, i Waiwhauwhaupaku, i Rānui, i te Hōhipera o Waitakere me Te Kōpua.

Ōrukuwai

- Ka tere te **132** i ia 30 meneti i ngā wā toritori o ngā rā i tua atu i a Hatarei me Hanarei. He pahi ka tere i Ōrukuwai ki te Pokapū o te Tāone atu i te 6.30am ki te 8.10am. He pahi ka tere i te Pokapū o te Tāone ki Ōrukuwai i te 4.15pm ki te 5.45pm.
- Mō ērā atu terenga katoa ki te Pokapū o te Tāone, ā, mō ērā hoki ka tere mai i reira, me whakawhiti i Te Whakawhitinga Pahi o Te Atatū.
- Ka tere ngā pahi i Te Whakawhitinga Pahi o Te Atatū ki Ōrukuwai, ki Rangi-mata-rau, ki te Pokapū o te Tāone, ki Rosebank, ki Te Whau, ki Te Rewarewa, ki te Tonga o Te Atatū, ki Te Kōpua, ki Te Whakawhitinga Pahi o Lincoln, ki Rānui, ki Pukewhakatara, ki Westgate, me Northwest Centre.
- Ka tere te **13** i ia 8 ki te 15 meneti tae noa ki te waenganui pō kia tūhono ai koe ki ngā pahi i Te Whakawhitinga Pahi o Te Atatū, ki ngā tereina hoki i Te Kōpua.
- Ka tere te **135** i te raki o te kūrae kia tūhono ki Te Whakawhitinga Pahi o Te Atatū.

Te Tonga o Te Atatū

- Mō ngā terenga katoa ki te Pokapū o te Tāone, ā, mō ērā hoki ka tere mai i reira, me whakawhiti i Te Whakawhitinga Pahi o Te Atatū.
- Ka tere ngā pahi i Te Whakawhitinga Pahi o Te Atatū ki Ōrukuwai, ki Rangi-mata-rau, ki te Pokapū o te Tāone, ki Rosebank, ki Avondale, ki Te Rewarewa, ki te Tonga o Te Atatū, ki Te Kōpua, ki Te Whakawhitinga Pahi o Lincoln, ki Rānui, ki Pukewhakatara, ki Westgate me Northwest Centre.
- Ka tere te **13** i ia 8 ki te 15 meneti tae noa ki te waenganui pō kia tūhono ai koe ki ngā pahi i Te Whakawhitinga Pahi o Te Atatū, ki ngā tereina hoki i Te Kōpua.
- Ka tere te **135** i te rori o Edmonton, i te rori o Flanshaw me te rori o Royal View kia tūhono ki Te Whakawhitinga Pahi o Te Atatū me ngā tereina i Te Kōpua.

Royal Heights

- Ka hono te **111** i Royal Heights ki Northwest Centre.
- Ka whakakapi te **11T** i te **110** ki te Pokapū o te Tāone.

Te Ara Hāngai o Williamson, Opoutukēha

- Ka tere te **195** i te ara hāngai o Williamson, i Opoutukēha, hei whakakapinga mō te **134**.

Whāia he kōrero atu anō

- Rapua a *West Bus* i te pae tukutuku a AT
- Waea mai ki te 09 366 6400
- Haere ā-tinana mai ki tētahi o ngā hui tuku pārongo e tuwhera kau ana
- Whāia a AT i Pukamata me Tīhau @AKLTransport
- Tūhono mai, mā te taupānga o AT Mobile, kia whai kōrero hou mō ngā ratonga pahi e whāiti ana.